

書名 近思錄十四卷 嘉靖六年
刊本
撰者 宋 朱熹、呂祖謙 同輯
卷 卷十四
內容分類 子·儒家·性理·宋
索書號 大木·子部·儒家類·6
編號 C4514300

卷十四



彩色首頁1

東洋文化研究所漢籍目錄 編號: C4514300

東洋文化研究所漢籍目錄所藏漢籍善本全文影像資料庫 索書號: 大木·子部·儒家類·6

漢籍善本全文影像資料庫文本近思錄十四卷 嘉靖六年刊本

版權所有: 東京大學 東洋文化研究所
使用上的注意事項

濂溪先生曰無極而太極太極動而生陽動而靜靜而生陰靜極復動一動一靜互為其根分陰分陽兩儀立焉陽變陰合而生水火木金土五氣順布四時行焉五行一陰陽也陰陽一太極也太極本無極也五行之生也各一其性無極之貞二之精妙合而凝乾道成男坤道成女二氣交感化生萬物萬物生生而變化無窮焉惟人也得其

道體篇

卷之一

九五十一條



近思錄卷之十三

近思錄卷之十四

九二十六條

聖賢篇

明道先生曰堯與舜更無優劣及至湯武復別孟子言性之反之自古無人如此說只孟子分別出未便知得堯舜是生而知之湯武是學而能之文王之德則似堯舜禹之德則似湯武要之皆是聖人○仲尼元氣也顏子春生也孟子并秋殺盡見仲尼無所不包顏子亦不違如愚之學於後世有自然之和氣不言而化者也孟子則露其材蓋亦

時空而已仲尼天地也顏子和風慶雲也孟子泰
山巖巖巖之氣象也觀其言皆可見之矣仲尼無
迹如子微有迹孟子其跡著孔子儘是明快人顏
子儘實弟子孟子儘雄辯○曾子傳聖人學其德後
未不可測安知其不至聖人如言吾得正而斃且
休理會文字只看他氣象極好被他所見慶大後
人雖有好言語只被氣象里終不類道○傳經為
難如聖人之後統百年傳之已差聖人之學者非
子思孟子則幾乎息矣天道何言息只是人不由

之道非亡也幽厲不出也○荀卿才高其過多揚
雄才短其過少○荀子極偏駁只一句性惡大本
已失揚子雖少過然已自不識性更說甚道○董
仲舒曰正其義不謀其利明其道不計其功此董
子所以度越諸子○漢儒如毛萇董仲舒最得聖
賢之意然見道不甚分明下此即至揚雄規模又
窄狹矣○林希謂揚雄為祿隱揚雄後人只為見
他著書便須要做他是怎生做得是○孔明有五
佐之心道則未盡王者如天地之無私心焉行一

不義而得天下不為孔明必求有成而取劉璋聖
人寧無成耳此不可為也若劉表子琮將為曹公
所并取而興劉氏可也○諸葛武侯有儒者氣象
○孔明度幾禮樂○文中子本是一隱君子世人
往往得其議論附會成書其間極有格言荀揚道
不測○韓愈亦近世豪傑之士如原道中言語雖
有病然自孟子而後能將許大見識尋求者才見
此人至如斷曰孟氏醇乎醇又曰荀與揚擇焉而
不精語焉而不詳若不是他見得豈年餘年後便

能斷得如此分明○學本是修德有德然後有言
退之却倒學了因學文日求所未至遂有所得如
曰軻之死不得其傳似此言語非是蹈襲前人又
非空撰得出必有所見若無所見不知言所傳
者何事○周茂叔胸中洒落如光風霽月其為政
精密嚴密務盡道理○伊川先生撰明道先生行
狀曰先生資稟既異而充養有道純粹如精金溫
潤如良玉寬而有制和而不流忠誠貫於金石孝
悌通於神明視其色其接物也如春陽之溫聽其

言其入人也如時雨之潤胸懷洞然徹視無間測其蘊則浩乎若滄溟之無際極其德美言蓋不足以形容先生行己內主於敬而行之以恕見善若出諸己不欲勿施於人居廣居而行大道言有物而行有常先生為學自十五六時聞汝南周茂叔論道遂厭科舉之業慨然有求道之志未知其要泛濫於諸家出入於老釋亦幾十年返求諸六經而後得之明於廢物察於人倫知盡性至命必本於孝悌窮神知化由通於禮樂辨異端似是之

非關百代未明之惑秦漢而下未有臻斯理也謂

孟子沒而聖學不傳以興起斯文為己任其言曰道之不明異端害之也昔之害近而易知今之害深而難辨音之惑人也乘其迷暗今之入人也因其高明自謂之窮神知化而不足以開物成務言為無不周遍實則外於倫理窮深極微而不可以入堯舜之道天下之學非淺陋固滯則必入於此自道之不明也邪詭妖異之說競趨塗生民之耳目溺天下於污濁雖高才明智膠於見聞醉生夢

死不自覺也是皆正路之養無聖門之蔽塞闢
之而後可以入道先生進將覺斯人退將明之書
不幸早世皆未及也其辨析精微稍見於世者學
者之所傳耳先生之門學者多矣夫先生之言平
易易知賢愚皆獲其益如群飲於河各充其量
先生教人自致知至於知止誠意至於平天下洒
掃應對至於窮理盡性循循有序病世之學者
捨近而趨遠處下而闕高所以輕自大而卒無
得也先生接物辨而不間感而能通教人而人易

從人而人不怨賢愚善惡咸得其心狡偽者
其誠暴慢者致其恭聞風者誠服覲德者心醉雖
小人以趨向之異顧於利害時見排斥退而省言
私未有不以先生為君子也先生為政治惡以寬
處煩瑣而裕當法令繁密之際未嘗從衆為應文逃
責之事人皆病於拘礙而先生處之綽然衆有憂
為甘苦難而先生為之沛然雖當倉卒不動声色方
監司競為嚴急之時其待先生率皆寬厚設施
之際有所賴焉先生所為綱條法度人可效而為

也。王其道之而從，動之而和，不求物而物應，未施信而民信，則人不可及也。○明道先生曰：周茂叔寒前草不除，問之云：與自家意思一般。○張子厚聞生皇子喜甚，見饑寒者食便不美。○伯淳嘗與子厚在興國寺講論終日，而曰：不知舊日曾有其人於此處講此事。○謝顯道云：明道先生坐如泥塑人，接人則渾是一團和氣。○侯師聖云：朱公揆見明道于汝歸，謂人曰：光庭在春風中坐了一晌。○游揚初見伊川，伊川瞑目而坐，二子侍立，既

外之雪深一尺。○劉安禮云：明道先生德性之粹和之氣，益於云：面黃樂易多恕，終日怡悅，立之從先生三十年，未嘗見其忿厲之容。○與叔撰道先生哀詞云：先生負特立之才，知大學之要，博文強識，躬行力究，察倫明物，極其所止，渙然心釋，洞見道体，其造於約也。雖事變之感，不一知應，以是心而不窮，雖天下之理至衆，知反之身而自足，其致於一也。異端並立而不能移，聖人復起而

不與易其養之成也和氣充浹見于言必谷然望之
崇深不可慢也遇事優為從容不迫於誠心懇
惻弗之措也其自任之重也寧學聖人而未卒不
欲以一善成名寧以一物不被其澤為己病不欲
以一時之利為己功其自信之篤也吾士之可行不
苟潔其去就吾義所安雖小官有所不屑○呂與
叔撰橫渠先生行狀云康定用兵之時先生年十
八慨然以功名自許上書謁范文正公公知其遠
器欲成就之乃為之曰儒者自有名教何事於

其國而讀中庸先生讀其書雖愛之猶以為未足
於是又訪諸釋老之書累年盡究其說知無所得
反而求之六經嘉祐初見程伯淳正叔于京師其
語道學之要先生渙然自信曰吾道自足何事旁
求於是盡棄異學淳如也晚自宗文移疾西歸橫
渠終日危坐一室左右簡編俯而讀仰而思有得
則識之或中夜起坐取燭以書其志道精思未始
須臾息亦未嘗須臾忘也學者有問多告以知禮
成性變化氣質之道學必知聖人而後已聞者莫

不動心有進嘗謂門人曰吾學既得於心則修其
辭命辭無差然後斷事斷事吾乃沛然精義入神
者豫而已矣先生氣質剛毅德威貌嚴然與人居
久而日親其治家接物大要正己以感人未之
信反躬自治不以語人雖有未諭安行而無悔故
識與不識聞風而畏非其義也不敢以一毫及之

近思錄卷之十四終

刻近思錄成序後

有宋際文運之隆濂溪周子河南兩程子橫
渠張子繼作其立言有太極圖通書易傳外
書經說文集西銘正蒙等書是皆羽翼六經
而上接孟子以來千載不傳之統自後有考
亭朱子又集大成者以四子之書廣浩無涯
初學未易指尋乃與東萊呂氏共擇其切要
語為近思錄蓋道之用散在天下而其本具
之人心初非高且遠者是故其思近則機發